

**БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ**

ПРЕДСТАВНИЧКИ ДОМ

Привремена истражна комисија за утврђивање стања
у правосудним институцијама Босне и Херцеговине



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE**

PREDSTAVNIČKI DOM / ZASTUPNIČKI DOM

Privremena istražna komisija za utvrđivanje stanja u
pravosudnim institucijama Bosne i Hercegovine
Privremeno istražno povjerenstvo za utvrđivanje stanja
u pravosudnim institucijama Bosne i Hercegovine

Broj: 01-50-4-986-3/20
Sarajevo, 16. 6. 2020.

**Program rada
Privremene istražne komisije Predstavničkog doma
Parlamentarne skupštine BiH za utvrđivanje stanja
u pravosudnim institucijama
Bosne i Hercegovine**

Sarajevo, juni 2020. godine

Na osnovu člana 9. Poslovnika Privremene istražne komisije Predstavničkog doma Parlamentarne skupštine Bosne i Hercegovine za utvrđivanje stanja u pravosudnim institucijama Bosne i Hercegovine (u daljnjem tekstu: Privremena istražna komisija), Privremena istražna komisija je na 3 sjednici, održanoj 16. 6. 2020, usvojila

Program rada Privremene istražne komisije

I. METOD RADA

Kako bi pribavila informacije, dokumentaciju i saznanja neophodna za izvršavanje svog mandata i ispunjavanje zadatah ciljeva, Privremena istražna komisija će svoj rad podijeliti u sljedeće segmente:

1. Javna saslušanja i razgovori sa svjedocima
2. Pribavljanje dokumentacije
3. Analiza iskaza i prikupljanje, odnosno zaprimljene, dokumentacije
4. Izrada izvještaja, inicijativa, zaključaka, prijedloga zakona, te drugih akata koji se dostavljaju Predstavničkom domu na konačno usvajanje
5. Sve ostale radnje koje su neophodne za ostvarivanje zadataka Privremene istražne komisije

II. VREMENSKI OKVIR

Privremena istražna komisija početak će javna saslušanja i razgovore sa svjedocima u julu 2020. godine.

Uporedo s provođenjem javnih saslušanja i razgovora sa svjedocima, Privremena istražna komisija radit će na prikupljanju potrebne dokumentacije, te će zaprimati dokumentaciju koju samoinicijativno dostave građani i institucije.

Privremena istražna komisija ulagat će najveće napore da saslušanja i pribavljanje dokumentacije okonča do decembra 2020. godine.

Privremena istražna komisija će analizu iskaza i dokumentacije, te izradu iznad navedenih akata, okončati najkasnije do juna 2021. godine.

III. KONKRETNA TEMATIKA

Privremena istražna komisija će, ne ograničavajući se na iste, razmatrati i sljedeće konkretne teme:

- Zakon o Visokom sudskom i tužilačkom vijeću BiH (VSTV). Privremena istražna komisija će kritički ocijeniti postojeća zakonska rješenja, uključujući adekvatnost trenutnog načina izbora članova VSTV-a u odnosu na nezavisnost ovog tijela, adekvatnost trenutnih disciplinskih mjera i procedura, s posebnim osvrtom na potrebu uspostave jasnih pravila za disciplinsku odgovornost članova VSTV-a od strane nezavisnog tijela, širu provjeru kandidata za pravosudne funkcije, eventualno

razdvajanje VSTV-a na sudski i tužilački segment, eventualno drugačiji način izbora glavnih tužilaca i slično;

- Propisivanje jasnih pravila, te odgovarajućih sankcija, po pitanju sukoba interesa nosilaca pravosudnih funkcija, uključujući njihove bliske srodnike, a po modelu pravila koja se odnose na nespojivost funkcija i sukob interesa, uključujući angažman bliskih srodnika, koji je propisan za izabrane i imenovane zvaničnike, te savjetnike.
- Zakon o krivičnom postupku i Krivični zakon BiH. Privremena istražna komisija razmatrat će adekvatnost postojećih zakonskih rješenja po pitanju borbe protiv korupcije i drugih najtežih oblika organiziranog kriminala, s ciljem njihovog poboljšanja u svjetlu potrebe približavanja Bosne i Hercegovine članstvu u Evropskoj uniji.
- Uspostava potpune nezavisnosti pravosuđa i potpunog otklanjanja političkog uticaja na pravosuđe. Privremena istražna komisija razmotrit će mogućnost pooštavanja sankcija za neprimjerene kontakte između nosilaca pravosudnih funkcija i predstavnika političkih stranaka, kao i za neprimjereno djelovanje političkih stranaka i njihovih predstavnika prema pravosudnim institucijama i nosiocima pravosudnih funkcija.
- Uspostava saradnje između Privremene istražne komisije i međunarodnih organizacija i tijela koja su zadužena za nezavisnost pravosuđa, borbu protiv korupcije i drugih oblika organiziranog kriminala, odnosno koja su relevantna za napredak Bosne i Hercegovine ka članstvu u Evropskoj uniji, uključujući, ali se ne ograničavajući na: Evropsku komisiju, Vijeće Evrope (uključujući GRECO i Venecijansku komisiju), OSCE (uključujući ODIHR), te druge.
- Usporedba regionalnih i evropskih rješenja po pitanju izbora nosilaca pravosudnih funkcija, postojanja i djelokruga rada regulatornog tijela, odnosno izbora i smjene članova takvih tijela, odgovornosti za njihov rad i slično. Privremena istražna komisija će za potrebe ovog, te drugih svojih prioriteta, koristiti resurse Istraživačkog sektora Sekretarijata Parlamentarne skupštine BiH.

IV. KONKRETNA JAVNA SASLUŠANJA I SVJEDOČENJA

Privremena istražna komisija će, ne ograničavajući se na iste, obaviti javna saslušanja i razgovore sa svjedocima iz sljedećih institucija:

- Visokog sudskog i tužilačkog vijeća BiH
- Suda BiH
- Pravobranilaštva BiH
- Tužilaštva BiH
- Ministarstva pravde BiH
- Uprave za indirektno oporezivanje BiH
- entitetskih i kantonalnih sudova
- entitetskih i kantonalnih tužilaštava
- entitetskih i kantonalnih MUP-ova
- advokatskih komora i sličnih strukovnih udruženja
- s eminentnim akademskim radnicima
- međunarodnih organizacija, u skladu s Bečkom konvencijom o diplomatskim odnosima
- organizacija civilnog društva koje se bave stanjem u pravosuđu, borbom protiv korupcije, efikasnošću pravosuđa (poput Transparency International, Trial International i slično)

- svih drugih institucija, po potrebi.

Privremena istražna komisija će od svih navedenih pribavljati i potrebnu dokumentaciju, odnosno analitičke izvještaje.

V. RAZMATRANJE POJEDINAČNIH SLUČAJEVA

Privremena istražna komisija razmatrat će pojedinačne slučajeve samo u onoj mjeri i obimu u kojim je to neophodno kako bi se sagledali sistemski problemi s kojim se suočava pravosuđe u Bosni i Hercegovini. S tim u vezi, Privremena istražna komisija će, ne ograničavajući se na iste, razmotriti sljedeće slučajeve:

1. Afera „Respiratori – Srebrna malina“
2. Afera „Respiratori – Medietic“
3. Afera „Pandora“,
4. Afera „Potkivanje“,
5. Politički pritisci na nosioce pravosudnih funkcija
6. Ubistvo Davida Dragičevića
7. Ubistvo Dženana Memića
8. Privatizacija i oblast stečajnih postupaka

te druge, po potrebi.

VI. DJELOVANJE IZVAN OKVIRA PROGRAMA RADA

Privremena istražna komisija može, po potrebi, odstupiti od ovog programa rada kada to situacija nalaže, odnosno kada iz njenog rada proisteknu druga pitanja koja je neophodno razmotriti. Privremena istražna komisija će odluke o takvom postupanju donositi svojim zaključcima.

PREDSJEDAVAJUĆI
PRIVREMENE ISTRAŽNE KOMISIJE
Damir Arnaut